

## KEMUNCAK DALAM TAMADUN ISLAM

Mohd Farid Ashraf Aziz  
Mohd Saaban Abbas  
Kamarul Azmi Jasmi

Faculty of Islamic Civilization, Universiti Teknologi Malaysia

### Suggested Citation:

Ashraf Aziz, M. F., Abbas, M. S., & Jasmi, K. A.(2012). Kemuncak dalam Tamadun Islam in *Prosiding Seminar Tamadun 2012* at Marbawy Hall, Faculty of Islamic Civilization, Universiti Teknologi Malaysia on 21 April 2012, pp. 317-332. ISBN 978-967-0194-19-6.

### Abstrak

Kertas kerja ini cuba mengupas perkara yang berkaitan dengan zaman kemuncak Islam. Setiap sejarah mempunyai titik kemuncak untuk sesuatu. Sejarah perkembangan Islam juga tidak terkecuali. Kemunculan pemerintahan baru “New Order” mengubah corak pemerintahan kerajaan Islam selain pengembangan empayar mereka ke kawasan yang belum pernah dilihat oleh Dar al-Islam -, iaitu di Utara Eropah dan sebahagian Utara Barat India. Antara peristiwa yang terlibat adalah seperti Perang Salib dan serangan orang-orang Mongol. Tujuan utama perang salib yang dilancarkan oleh orang Kristian adalah untuk mengambil semula BaitulMaqdis dan untuk menawan semula wilayah-wilayah yang pada dahulunya milik Kristian. Serangan orang Mongol menceritakan bagaimana Orang Mongol menjajah Negara Islam dan bagaimana akhirnya mereka memeluk Agama Islam disebabkan keindahan Islam.

# **KEMUNCAK DALAM TAMADUN ISLAM**

**Mohd Farid Ashraf Aziz  
Mohd Saaban Abbas  
Kamarul Azmi Jasmi**

## **ABSTRAK**

*Kertas kerja ini cuba mengupas perkara yang berkaitan dengan zaman kemuncak Islam. Setiap sejarah mempunyai titik kemuncak untuk sesuatu. Sejarah perkembangan Islam juga tidak terkecuali. Kemunculan pemerintahan baru "New Order" mengubah corak pemerintahan kerajaan Islam selain pengembangan empayar mereka ke kawasan yang belum pernah dilihat oleh Dar al-Islam -, iaitu di Utara Eropah dan sebahagian Utara Barat India. Antara peristiwa yang terlibat adalah seperti Perang Salib dan serangan orang-orang Mongol. Tujuan utama perang salib yang dilancarkan oleh orang Kristian adalah untuk mengambil semula BaitulMaqdis dan untuk menawan semula wilayah-wilayah yang pada dahulunya milik Kristian. Serangan orang Mongol menceritakan bagaimana Orang Mongol menjajah Negara Islam dan bagaimana akhirnya mereka memeluk Agama Islam disebabkan keindahan Islam.*

## **PENGENALAN**

*Culmination bermaksud kemuncak juga dijelaskan maknanya sebagai "reach or be a climax or point of highest development" (Newby G.D. 2002). Islam adalah sebuah agama dan juga tamadun. Realiti sejarah Islam amatlah gah sehingga menjangkau empat belas abad sejarah manusia. Setiap sejarah mempunyai titik kemuncak untuk sesuatu. Sejarah perkembangan Islam juga mempunyai satu titik kemuncak. Kemuncak*

ini disaksikan dengan pelbagai peristiwa sejarah yang membuatkan sejarah Islam begitu unik.

Sejarah Islam menunjukkan bahawa agama Islam melalui pelbagai cabaran tetapi dengan berkat semangat sedia mempertaruhkan nyawa demi semangat untuk memperjuangkan agama Islam, agama Islam kini merupakan agama yang semakin pesat membangun.

## **PEMERINTAHAN BARU**

Pada kurun ke-10, amat jelas bahawa kerajaan Islam dalam dunia Islam tidak lagi sesuai untuk berfungsi sebagai satu unit politik. Dalam sistem baru ini, khalifah akan dikekalkan sebagai satu-satunya ketua kepada *ummah*: komuniti yang beragama juga sama maksud dengan masyarakat Islam pada ketika itu, selain menjadi simbol, dan pusat rujukan mengenai hal berkaitan keagamaan akan tetapi pemerintahan empayar dalam bidang yang lain dijalankan bebas daripada tanggungjawab Khalifah. Sebagai contoh:

*From Egypt, the breakaway caliphate of the Ismaili Fatimids' ruled North Africa, Syria, much of Arabia, and Palestine; in Iraq, Iran and Central Asia, Turkish army officers (amirs) seized power and established what were really independent states, competing with one another militarily. The tenth century has been called the Shi'i century, because many of these dynasties had vague Shi'i leanings. But all the amirs continued to acknowledge the Abbasid caliph as the supreme leader of the ummah, so entrenched was the ideal of absolute monarchy. These dynasties achieved some political success.*

(Armstrong, K., 2002: 81)

Maksudnya, dari Mesir, khalifah pemisahan Fatimids Ismaili yang mana memerintah Afrika Utara, Syria, hampir keseluruhan Tanah Arab dan Palestin; di Iraq, Iran dan Asia Tengah, pegawai-pegawai tentera Turki (amir) merampas kuasa dan menubuhkan negara-negara merdeka, dalam masa yang sama bersaing antara satu sama lain secara ketenteraan. Abad ke-10 digelar sebagai abad Syiah, kerana banyak dinasti mempunyai

kecenderungan terhadap Syiah. Tetapi semua amir terus mengakui Khalifah Abbasiyah sebagai pemimpin tertinggi umat Islam, dalam masa yang sama berakar-umbi monarki mutlak yang ideal. Dinasti ini mencapai beberapa kejayaan politik (Armstrong. K., 2002: 81).

Ada antara mereka yang berjaya menemukan pusat Islam yang tetap di Utara Barat India seawal kurun ke-11, akan tetapi tiada satu pun yang mampu bertahan lama sehingga kemunculan puak Seljuk yang merampas kuasa di Baghdad pada tahun 1055 dan menyetujui perjanjian dengan Khalifah, yang mengakui mereka sebagai leftenannya dalam Dar al-Islam. Pada tahun-tahun sebelum kemenangan Saljuk, ia seolah-olah empayar ditakdirkan untuk penyepaan kekal. Setelah satu dinasti berjaya dan sempadan pula beralih, seorang pemerhati dari luar mungkin mempunyai alasan yang kukuh untuk menganggap bahawa, selepas tempoh permulaan kejayaan, dunia Islam seterusnya semakin merosot (Armstrong. K., 2002: 81).

Malangnya, kita boleh menganggap "dia" (pemerhati dari luar) salah. Hal ini kerana, secara tidak langsung, satu perintah baru "*A New Order*" muncul yang akan menjadi lebih mesra kepada semangat Islam walaupun pergolakan politik dalam dunia Islam semakin menjadi-jadi. Setiap kawasan pada ketika itu mempunyai pusat tersendiri tidak hanya tertumpu di Baghdad. perkara ini dapat dibuktikan dengan:

*Cairo became a vital city of art and learning under the Fatimids. Philosophy flourished there and in the tenth century the caliphs founded the college of al-Azhar, destined to become the most important Islamic university in the world.*

(Armstrong. K., 2002: 83)

Kaherah menjadi pusat kesenian dan ilmu di bawah tumpuk pemerintahan Fatimid selain tertubuhnya Universiti al-Azhar yang ditakdirkan sebagai universiti Islam yang paling penting di dunia.

Pada zaman itu lahirlah seorang ilmuan Islam, iaitu Faylasuf Abu Ali ibn Sina. Menurut Newby G.D. (2002) dalam *Concise Encyclopedia of Islam* menjelaskan:

*Ibn Sina, Abu Ali al-Husayn (369/979–428/1037) Philosopher, physician, and polymath, he was known in the West as Avicenna. His Neoplatonic interpretations of Aristotle influenced Thomas Aquinas, and his famous medical treatise, *The canon of medicine*. He enjoyed circulation in the West in translation. He was born near Bukhara and was a prodigy, who was teaching his teachers at the age of fourteen, directing physicians at sixteen and was regarded a master of the known sciences at eighteen, at least according to his biographers. He earned his living as a physician in various princely courts, but was sometimes the object of intrigues and jealousies, which caused him either to flee or, occasionally, be imprisoned. His *Kitab ash-shifa* and his treatise on animals were translated into Latin and had a profound influence on Western thought at a time when Aristotle was little known in the West.*

(Newby. G. D., 2002: 139)

Secara ringkas beliau (Ibn Sina) merupakan anak murid kepada al-Farabi yang mana merupakan salah seorang yang mempunyai pengaruh di Samarkand. Beliau juga dikenali sebagai Avicenna di dunia barat. Pada pandangannya seorang nabi merupakan seorang ahli falsafah yang paling ideal. Hal ini dapat dibuktikan melalui penulisan Karen Armstrong dalam bukunya Islam- A Short History:

*Samarkand also s.a.w. a Persian literary renaissance. One of its luminaries was the Faylasuf Abu Ali ibn Sina (980-1037), who is known as Avicenna in the West. Ibn Sina had been a disciple of al-Farabi, but took religion far more seriously. In his view a prophet was the ideal philosopher, not merely a purveyor of abstract rational truth for the masses, because he had access to insights that did not depend upon discursive thought.*

(Armstrong. K., 2002: 83)

Apabila khalifah memainkan peranan dalam semua praktikal tujuan dalam institusi pentadbiran setelah terbengkalai sebelum ini, Islam mendapat nafas baru. sentiasa menjadi ketegangan antara citacita mutlak monarki dan al-Quran. Tatanegara baru yang muncul dalam dunia Islam pada ketika itu, iaitu melalui proses percubaan dan

kesilapan "try and error" adalah lebih hampir dengan wawasan Islam. Tidak semua pemerintah baru negara Islam alim ulama, akan tetapi sistem mahkamah dan raja-raja yang bebas, selain semua setanding antara satu sama lain sesungguhnya lebih menggambarkan semangat egalitarian seperti yang dinyatakan dalam al-Quran. Persekutaran pada waktu itu juga harmoni dengan kemunculan seni dalam dunia Islam (Armstrong. K., 2002: 84).

Umat Islam menerima khalifah kerana golongan mereka mampu menjamin perpaduan ummah, tetapi apabila khalifah menunjukkan bahawa mereka tidak boleh mengintegrasikan empayar lagi, mereka dengan hati yang terbuka akan menerima status mereka dikurangkan. Perubahan berlaku dalam kesalehan Islam. Sehingga kini, teologi dan kerohanian sudah hampir sentiasa berakar umbi dalam sambutan politik berdasarkan sejarah masyarakat Islam. Kini orang Islam lebih sesuai untuk perkiraan politik, demikian kerana ketataan dan pemikiran Islam yang kurang didorong oleh peristiwa semasa. Tambahan, Islam menjadi lebih politik sekali lagi dalam zaman modenisasi kini, apabila umat Islam menghadapi peril yang baru, dan mereka berpendapat, hal ini akan meletakkan moral, budaya dan agama serta kesejahteraan umat Islam dalam bahaya, malah turut menggugat semangat kelangsungan hidup umat Islam itu sendiri (Armstrong. K., 2002: 84-85).

## **PERANG SALIB**

Perang Salib bermula pada kurun yang ke sebelas. Ianya adalah merupakan satu ekspedisi ketenteraan yang dijalankan oleh negara-negara kristian di Eropah. Tujuan utama perang salib adalah untuk mengambil semula Baitul Maqdis dan untuk menawan semula wilayah yang pada dahulunya milik Kristian. Perang Salib dilancarkan oleh Pope Urban II pada tahun 1095. Sedikit pengenalan mengenai Pope Urban II. Nama sebenar Pope Urban II ialah Otho de Lagery dan dilantik menjadi Pope pada 12 March 1088 sehingga akhir hayatnya pada 29 July 1099. Perang salib yang pertama bermula pada 1095 selepas Byzantines meminta tolong bantuan ketenteraan dari Pope Urban II.

Walaupun empayar Seljuk Turks jatuh pada akhir kurun kesebelas, konsep autonomi politik ‘amir’ tetap diteruskan. Amir adalah merupakan gelaran yang diberikan kepada jeneral, gabenor dan juga khalifah. Terbukti sistem ini mempunyai banyak kelemahan yang nyata dari pelbagai aspek. Kelemahan yang paling jelas dan nyata adalah apabila amir-amir dari pelbagai wilayah sering bertelagah dan jarang mempunyai kesepakatan dalam pelbagai aspek terutamanya untuk menentang musuh. Musuh-musuh Islam mengambil peluang ini untuk menyerang mereka (Armstrong. K., 2002: 93).

Pada tahun 1099, mimpi negeri ini menjadi kenyataan apabila tentera salib dari Eropah Barat datang menyerang wilayah Jerusalem dan menubuhkan negeri di Palestine, Lebanon and Anatolia. Dalam serangan ini tentera salib berjaya menakluk Jerusalem. Jerusalem adalah merupakan bandar ketiga yang tersuci dalam dunia Islam dan penaklukan ini memberi impak yang besar kepada maruah umat Islam. Amir-amir yang bertelagah ini tidak dapat bersatu padu untuk menentang dan tidak mampu berbuat apa-apa dengan penaklukan tentera salib yang bertubi-tubi ini (Armstrong. K., 2002: 93).

Terdapat pelbagai pengajaran yang boleh diambil daripada peristiwa ini seperti umat Islam hendaklah sentiasa bersatu padu untuk menentang musuh-musuh Islam dan tidak hanya bertelagah sesama sendiri demi kepentingan peribadi. Permasalahan ini masih wujud di kalangan pemimpin-pemimpin Islam sehingga ke hari ini yang menyebabkan Islam sukar untuk berkembang.

## SERANGAN BALAS

Walaupun pada awalnya umat Islam tidak dapat menangkis serangan tentera salib, tetapi umat Islam akhirnya mula bersatu padu untuk menyerang balas. Hal ini dapat dibuktikan apabila Imad al-Din Zangi berjaya mengusir tentera salib dari Armenia pada tahun 1144. Imad al-Din Zangi adalah merupakan amir di Mosul dan Aleppo (Armstrong. K., 2002: 93).

Pada tahun 1187, iaitu hampir setengah abad berikutnya pula Yusuf ibn Ayyub Salah ad-Din berjaya mengambil kembali Jerusalem

dari pihak tentera salib. Salah al-Din al-Ayyubi atau lebih dikenali dengan nama Saladin di barat merupakan seorang jeneral Kurdish yang berasal dari Aleppo (Armstrong. K., 2002: 93). Saladin menubuhkan Dinasti Ayyubid yang merupakan antara sebuah dinasti yang terulung yang menyatupadukan negara Mesir, Palestin dan Syria di bawah fahaman Sunni. Dinasti Ayyubid juga memulihkan sektor ekonomi di kawasan berkenaan yang terjejas disebabkan perang salib (Seyyed Hossein Nasr, 2003: 125).

## PENGEMBANGAN

Expansion bermaksud perkembangan juga dijelaskan maknanya sebagai "*the political strategy of extending a state's territory by encroaching on that of other nations*" (Newby, G.D. 2002). Dalam menyebarkan ajaran Islam, meluaskan tanah jajahan adalah salah satu elemen yang penting. Demi meneruskan perjuangan untuk berdakwah, orang-orang Islam merantau jauh sehingga menyebabkan berlakunya pertembungan dengan budaya lain seperti Hindu, Budhha, dan Kristian, hingga mampu mencetus persaingan untuk menyebarkan fahaman/dakwah masing-masing mengakibatkan tercetusnya peperangan contohnya seperti Perang Salib I dan Perang Salib II.

Punca utama Perang Salib (Crusades) adalah disebabkan oleh pergerakan puak Seljuk dari Dinasti Turki yang menakluk Syria daripada puak Fatimid. Fatimid Menurut Newby, G.D. (2002) ialah: *A member of a dynasty which ruled in parts of northern Africa, Egypt, and Syria from 909 to 1171*. Sama maksud, sekumpulan masyarakat yang terdiri daripada dinasti yang menguasai Utara Afrika, Mesir dan Syria pada tahun 909 sehingga 1171 (Armstrong. K., 2002: 95).

Dalam melaksanakan kempen untuk memperluas tanah jajahan ke atas Syria, mereka (Seljuk) mencetus konflik terhadap Empayar Byzantine. Hal ini disebabkan oleh pasukan tentera Islam yang merentasi sempadan Empayar Byzantine tanpa kerelaan si pemerintah dan menyebabkan berlakunya perbalahan antara kedua-dua belah pihak seperti yang dijelaskan oleh Karen Armstrong:

*During their campaign, they had also come into conflict with the now ailing Byzantine Empire, whose borders were poorly defended. When the Seljuk cavalry crossed the lines and entered Anatolia, they inflicted a devastating defeat on the Byzantines at the Battle of Manzikurt in 1071.*

(Armstrong. K., 2002: 95)

Beliau juga menyatakan bahawa pada ketika konflik itu berlaku, empayar Byzantine adalah dalam keadaan yang amat terjejas dan lemah sehingga menyebabkan pertahanan mereka di sempadan Anatolia mudah untuk ditewaskan oleh tentera Islam dalam Perang Manzikrut pada tahun 1070. Dalam masa sedekad yang seterusnya, puak nomad Turki menjelajah bebas di Anatolia dengan keluarga dan haiwan ternakan mereka, manakala para amir pula menubuhkan kerajaan-kerajaan kecil di sana yang dikawal oleh tentera Islam (Armstrong. K., 2002: 95).

Kuasa lemah yang dimiliki oleh pemerintah Maharaja Byzantine, iaitu Alexius Comnenus I tidak mampu untuk menhalang kemaraan tentera Islam (Turkish) pada ketika itu, sehingga memaksa beliau untuk meminta pertolongan daripada Paus (Pope) pada tahun 1091, dan sebagai tindak balas Paus Urban II menyeru Perang Salib Pertama. Seterusnya seperti yang diceritakan oleh Karen Armstrong dalam bukunya, *Islam - A Short History*:

*The Crusaders' occupation of parts of Anatolia did not long stem the Turkish conquest of the region. By the end of the thirteenth century the Turks had reached the Mediterranean; during the fourteenth century they crossed the Aegean, settled in the Balkans, and reached the Danube.*

(Armstrong. K., 2002: 95)

Petikan ini membincangkan tentang Tentera Perang Salib atau lebih dikenali sebagai The Crusaders yang tidak mampu menahan kemaraan tentera-tentera Islam yang meluaskan jajahan takluk di kawasan itu (Anatolia). Pada akhir kurun ke-13 tentera-tentera Islam sampai ke Mediterranean dan seterusnya pada kurun ke-14 mereka merentasi Aegean (kawasan di antara Greek dan Turki), Balkans (negara-negara yang memenuhi kawasan tenggara Eropah) dan akhir sekali berhenti di Danube (selatan barat Jerman). Tuntasnya, Byzantium

yang mempunyai sejarah kegemilangan Empayar Rom dikejutkan oleh kebolehan tentera-tentera Islam kerana, sebelum ini belum pernah ada pemerintah Islam yang mampu mengalahkan mereka degan begitu teruk sekali.

Setelah itu tentera Islam "*The Turks*" menggelarkan negeri baru mereka di Anatolia "*Rum*" atau "*Rome*". Walaupun pada ketika itu zaman kejatuhan sistem khalifah, orang-orang Islam masih mampu berkembang kepada dua kawasan yang belum pernah dilihat oleh Dar al-Islam -, iaitu di Utara Eropah dan sebahagian Utara Barat India.

## ORANG MONGOLS

Mongol merupakan sebuah bangsa hebat dah gagah. Bangsa ini diketuai oleh seorang pemerintah dan ketua yang ganas dan digeruni, iaitu Genghis Khan. Bangsa Mongol pada ketika itu sedang dalam proses untuk membina sebuah empayar yang agong di samping meluaskan pengaruhnya. Gabungan puak-puak nomad yang diketuai oleh Genghis Khan ini pun menguasai China pada ketika itu dan peperangan dengan negara Islam tidak dapat dielakkan demi untuk meluaskan kuasa dan empayarnya (Armstrong. K., 2002: 96).

Terdapat banyak faktor yang menjadikan bangsa Mongol ini sebagai salah satu bangsa yang digeruni dan antara sebabnya adalah kejayaan Genghis Khan berjaya melatih dan menjadikan bala tenteranya sebagai antara tentera yang terkuat, ganas dan digeruni oleh semua pihak pada ketika itu (Armstrong. K., 2002: 96).

Ketua-ketua negara lain perlu melaporkan diri kepada ketua mongol. Kegagalan untuk berbuat demikian boleh menyebabkan negara itu diserang dengan ganas dan kejam. Sebagai contoh:

*When Muhammad, shah of the Khwarazmian Turks (1200-1220), attempted to build a Muslim caliphate of his own in Iran and the Oxus region, the Mongol general Hulegu regarded it as an act of insolent hubris. From 1219 to 1229 the Mongol armies pursued Muhammad and his son Jalal al-Din across Iran, through Azerbaijan and into Syria, leaving a trail of death and devastation behind them.*

(Armstrong. K., 2002: 96-97)

Karen Armstrong (2002) dalam bukunya, iaitu Islam - *A Short History* menceritakan tentang kemaraan tentera Mongol yang memburu Muhammad dan anaknya Jalal al-Din merentasi Iran sehingga ke Syria meninggalkan kesan kehancuran sepanjang perjalanan yang ditinggalkan mereka daripada tahun 1219 sehingga 1229. Keganasan adalah merupakan di antara salah satu strategi pihak mongol demi untuk menakutkan pihak musuh dan ternyata strategi ini amatlah berkesan terutamanya dalam peperangan. Selain itu, ianya juga adalah sebagai menyatakan kemarahan terpendam puak-puak nomad terhadap budaya bandar atau dikenali sebagai *urban culture*.

Pada tahun 1231, satu serangan bertubi-tubi dilancarkan oleh pihak Mongol terhadap negara-negara Islam. Banyak bandar-bandar Islam yang dahulunya gemilang dihancurkan oleh orang-orang Mongol seperti Bukhara yang munsah dikerjakan oleh pihak Mongol (Armstrong. K., 2002: 97).

Dengan penguasaan orang Mongol terhadap Baghdad meletakkan satu pengakhiran kepada Khalifah Abbasiah yang merupakan antara kuasa besar pada ketika itu. Hal ini memberi satu impak yang besar terhadap dunia politik negara-negara Islam. Dunia Islam memasuki satu fasa baru dalam sejarahnya dengan penguasaan orang Mongol terhadap Baghdad dan pembunuhan Khalifah Abbasiah yang terakhir pada 656/1258 (Seyyed Hossein Nasr, 2003: 128).

Pelbagai usaha dijalankan untuk cuba menghentikan penguasaan pihak Mongol. Usaha tersebut membawa hasil apabila Baibars Sultan Mamluk yang merupakan pemerintah Islam pertama yang dapat menghalang orang Mongol (Armstrong. K., 2002: 97). Sedikit pengenalan mengenai Mamluk. Menurut *A Concise Encyclopedia of Islam*:

*Mamlu ^ k, or mamlu ^ k (Arabic: owned, possessed as a slave). This became the name of the dynasty that ruled in Egypt, Syria into southeast Asia Minor, and the northeast quadrant of Arabia from 648/1250 to 922/1516–17. It was founded by Turkic and Circassian slave-soldiers.*

(Newby G. D., 2002: 139)

Pada tahun 1260 pula, tentera Mamluk mengalahkan tentera Mongol di Ain Jalut di utara Palestin. Pertempuran yang penting ini menandakan had pengembangan Mongol, kerana Mongol tidak mampu untuk membuat apa-apa pendahuluan tentera yang lebih jauh daripada Syria. Mamluk yang berjaya mematahkan pencerobohan orang Mongol dapat menubuhkan sebuah negara yang kuat, aman dan stabil. Negara ini bertahan selama hampir dua abad dari 648/1250 hingga 923/1517 apabila ia digabungkan dalam Empayar Uthmaniyyah (Seyyed Hossein Nasr, 2003: 130).

Orang Mongol mewujudkan empat negeri yang besar. Pada mulanya 11-Khans yang berasal daripada keturunan Hulegu enggan menerima hakikat bahawa kekalahan mereka adalah muktamad dan sempat memusnahkan Damsyik sebelum mereka benar-benar akur dan menerima hakikat kekalahan mereka dan pulang kepada empayar mereka di lembah Tigris-Euphrates dan kawasan pergunungan Iran. Chaghatay Mongol pula menubuhkan sebuah negeri di lembah Syr-Oxus. *White Horde* pula ditubuhkan di rantau Irtysh. *Golden Horde* pula ditubuhkan sekitar Sungai Volga (Armstrong. K., 2002: 97).

Walaupun mereka lebih cenderung terhadap agama Buddha, mereka tetap bertoleransi terhadap semua agama-agama yang lain. Hal ini menunjukkan bahawa mereka menjalankan dasar bertolak ansur yang amatlah penting bagi sesebuah negeri untuk maju (Armstrong. K., 2002: 97).

Kod udang-undang adalah sangat penting dalam mentadbir sesebuah empayar yang berjaya. Puak Mongol yang selalu digambarkan sebagai liar tidak terkecuali untuk memilikinya. Ia dikenali sebagai "*The Yasa*" yang diwujudkan oleh Genghis Khan sendiri. Kod ini lebih berteraskan kepada sistem ketenteraan yang mana tidak melibatkan orang awam (Armstrong. K., 2002: 98). Pada akhir kurun ke-13 dan awal kurun ke-14, kempat-empat empayar mongol ini memeluk agama Islam. Hal ini kerana, ianya menjadi dasar mereka untuk membina tradisi tempatan apabila mereka menakluk sesuatu kawasan. Sebagai contoh, keturunan-keturunan Hulegu yang lebih dikenali sebagai İl-khānids, iaitu wakil-wakil Khan yang tertinggi yang menawan tanah-

tanah timur Islam lama-kelamaan akhirnya turut memeluk agama Islam terutamanya apabila raja mereka, iaitu Öljeitü memeluk Islam. Selepas itu, Öljeitü menukar namanya kepada Sultan Muhammad Khudā-bandah (Seyyed Hossein Nasr, 2003: 129).

Walaupun mereka sudah memeluk Islam tetapi mereka masih dengan ideologi utama mereka, iaitu '*Mongolism*'. Ideologi ini amat mementingkan ketenteraan orang Mongol. Hal ini menunjukkan bahwasanya mereka masih lagi mementingkan kekuatan ketenteraan orang Mongol yang amat digeruni oleh semua pihak. Selain itu, penaklukan dunia masih lagi menjadi impian mereka.

Sistem ketenteraan masih lagi menjadi asas kepada bangsa Mongol ini. Individu yang mengetuai monarki adalah '*commander-in-chief*' dan *beliau* perlu sendiri *turun padang* dan memimpin orang-orang nya (Armstrong, K., 2002: 98).

Mereka juga menerapkan budaya kem secara menyeluruh dan sistem budaya kem yang rumit ini dijalankan dengan kecekapan yang luar biasa dan mengagumkan. Hal ini menunjukkan bahawa mereka amat serius dalam hal ini (Armstrong, K., 2002: 98). Menurut buku '*Islam- A Short Story*':

*There were two chief political objectives: world hegemony and the perpetuation of the ruling dynasty, which justified any cruelty. It was an ideology similar to the old absolutist polity, which had believed that the greater the ruler's power, the better the peace and security of the state. The decrees of all the monarchs of a dynasty remained in force as long as the family was in power, marginalizing all other legal systems.*

(Armstrong, K., 2002: 96-97)

Jika seorang amir mencapai apa-apa yang menyerupai kestabilan, akan sentiasa terdapat kemungkinan bahawa pihak tentera akan campur tangan dalam hal ehwal awam. Jika ini berlaku raja-raja Mongol berkuasa untuk meletakkan kekangan pada ulama. Menjelang kurun ke-15, dipersetujui bahawa para ulama tidak lagi boleh menggunakan Ijtihad dalam undang-undang berkanun (Armstrong, K., 2002: 100).

Pencerobohan orang Mongol terhadap dunia Islam meninggalkan kesan yang traumatis. Banyak bandar-bandar musnah. Selain itu, kemelesetan

ekonomi juga turut berlaku. Tetapi selepas mereka mencapai kemenangan, orang Mongol membina semula negara-negara yang mereka hancurkan itu (Armstrong. K., 2002: 100).

Terdapat banyak pendapat tentang kesan penaklukan tentera Mongol. Sebagai contoh Sufi mistik Jalal al-Din Rumi (1207-1273), yang merupakan mangsa kepada pencerobohan orang Mongol yang mengajar dan menyatakan bahawa kedatangan orang Mongol membawa banyak kemungkinan yang tiada batasan. Serangan-serangan orang Mongol ini juga membawa kepada suatu pergerakan mistik yang membantu orang ramai untuk menerima dan berhadapan dengan malapetaka yang mereka lalui dengan tahap jiwa yang lebih mendalam (Armstrong. K., 2002: 101).

Terdapat respons yang berbeza yang diberikan terhadap kesan penaklukan tentera Mongol pada ketika itu seperti apabila banyak yang hilang akibat akibat pembinasan akibat pencerobohan akan membawa intensifikasi konservatif yang selalu terdapat dalam ciri masyarakat Agraria.

Menjelang kurun ke-14, pengajian dan pematuhan kepada syariah adalah satu-satunya takwa yang diterima oleh umat Islam termasuk Sunni, Shiah, Sufi dan mahupun Fayslasuf. Ulama pada masa itu mempercayai bahawa undang undang ini berada di tempatnya sejak awal permulaan sejarah Islam yang agong. Walaupun sesetengah Sufi seperti Rumi mula melihat gambaran sepintas lalu terhadap sesuatu yang boleh dicapai, tetapi ramai ulama percaya bahawa tiada apa-apa pernah berubah.

Kesimpulannya, adalah lebih penting untuk mendapatkan kembali apa yang hilang berbanding untuk memperkenalkan lebih banyak perubahan selepas apa yang terjadi selepas pencerobohan orang Mongol seperti kehilangan pembelajaran masa lalu, pembunuhan para ulama dan pemusnahan banyak manuskrip yang penting.

Timur merupakan pengasas kepada empayar Timurid. Timur dibersarkan di Samarkand, iaitu sebuah wilayah Mongol Chaghaytay. Timur juga dikenali dengan nama Timur Lenk (*Timur The Lame*) atau pun dikenali sebagai Tamburlaine di barat. Semasa kejatuhan

Empayar Chaghaytay, Timur merampas kuasa dan mendakwa dirinya daripada keturunan Mongol (Armstrong. K., 2002: 106).

Beliau mula menakluk semua wilayah Parsi, Iraq, Anatolia, Selatan Rusia dan Asia Tengah. Selain itu juga, beliau menjadikan Samarkand sebagai ibu negeri empayar beliau. Secara tidak langsung, ini menjadikan Samarkand sebagai pusat seni yang hebat di Parsi (Seyyed Hossein Nasr, 2003: 129).

Antara resepi kejayaannya adalah dia mencampurkan kedahagaannya terhadap kejayaan dan cintanya terhadap kemusnahan dengan minatnya yang mendalam terhadap Islam. Timur juga melihat dirinya sebagai '*The Scourge of Allah*' yang perlu menghukum amir terhadap ketidakadilan pemerintahan mereka. Beliau merupakan seorang pemerintah dan penakluk yang setaraf dengan Genghis Khan dan *Alexander the Great*. Hal ini menjadikan beliau salah seorang penakluk yang terhebat di dunia pada masa itu. Timur juga mempunyai tentera yang hebat, ganas dan ditakuti oleh pelbagai pihak di Asia, Afrika dan Eropah. Semasa pemerintahannya, matlamat utama beliau adalah untuk menegakkan keadilan dan membasmi rasuah (Armstrong. K., 2002: 107).

Pada suatu masa, Timur dilihat berpotensi untuk mencapai penaklukan dunia. Menjelang tahun 1387, beliau menakluk kesemua kawasan tanah tinggi Iran dan Mesopotamia. Beliau juga menakluk *Golden Horde* yang lama di Russia dan pada tahun 1398, beliau menghancurkan Delhi. Selain itu juga, dua tahun kemudian, beliau menakluk Anatolia dan bermacam-macam lagi. Akhirnya, pada tahun 1404, beliau berangkat ke China dan malangnya beliau menemui ajalnya pada tahun tahun berikutnya (Armstrong. K., 2002: 107).

## **PENUTUP**

Kesimpulannya, Islam mempunyai sejarah yang unik. Pelbagai pengajaran dan iktibar boleh diambil daripada peristiwa yang berlaku demi masa depan agama Islam. Antaranya adalah umat Islam perlu sentiasa bersatu-padu demi untuk menegakkan agama Islam yang suci. Kita tidak boleh hanya berbalah sesama sendiri demi kepentingan peribadi. Seeloknya semangat perpaduan dan toleransi harus dan perlu disemat dalam jiwa

setiap jiwa umat Islam supaya umat Islam pada zaman sekarang tidak hanya dilabelkan sebagai pengganas kerana hakikatnya Islam merupakan agama yang indah dan unik.

Keindahan Islam juga menarik ramai musuh-musuh Islam untuk memeluk Agama Islam. Hal ini dapat dilihat melalui pemerintah puak Mongol amat tertarik dengan Islam. Hal ini kerana, walaupun Masyarakat Islam sewaktu itu mengalami kekalahan daripada orang-orang Mongol, akan tetapi mereka masih mampu untuk meneruskan kehidupan dan tidak hidup berdiam diri dalam ketakutan. Islam adalah agama "resilient" yang memberi maksud mampu bertahan dan bangkit semula dengan masa yang singkat daripada keadaan kesusahan.

Kerap kali diceritakan dalam sejarah silam di mana masyarakat Islam akan memberi tindak balas positif terhadap kehancuran/kekalah yang dialami dan menggunakannya secara baik untuk memperoleh kefahaman agama yang lebih mendalam.

## RUJUKAN

- Karen Armstrong. 2002. *Islam - A Short History*. Amerika Syarikat: The Modern Library.
- Seyyed Hossein Nasr. 2003. *Islam Religion, History, and Civilization*. Amerika Syarikat: HarperCollins Publishers.
- Gordon D. Newby. 2002. *A Concise Encyclopedia of Islam*. England: Oneworld Publications.
- N. Ahmad. 2000. *Islam in Global History*, 2 vols. Chicago: Kazi Publications.
- S. Murata, W. Chittick. 1994. *The Vision of Islam*. New York: Paragon House.
- Nasr, S. H. 1968. *Science and Civilization in Islam*. Cambridge, Mass., Harvard University Press.
- Riley-Smith, Jonathan. 1998. *The First Crusaders, 1095–1131*. United Kingdom: Cambridge University Press.
- Amitai-Preiss, Reuven. 1995. *Mongols and Mamluks: The Mamluk-Ilkhanid War, 1260-1281*. Cambridge: Cambridge University Press.
- Morgan, David. 1990. *The Mongols*. Oxford: Blackwell.

Weatherford, Jack. 2004. Genghis Khan and the Making of The Modern World. New York: Three Rivers Press.